

HEADLINES

- ۱۔ لیفٹیننٹ گورنر منوج سنہا نے جسمانی طور پر امدانو لوکان غی سماج مانہ برابر شراکت داری غی ضرورت پر زور دتو۔
- ۲۔ وزیر اعلیٰ عمر عبداللہ غی سربراہی آلی کابینہ میٹنگ مانہ عوامی کماں کاجاں بارے محکمہ غا ملازماں ناں ترقی دین غے نال نال تہاڑی دار ملازماں غی تفصیلی رپوٹ تیار کرن غو حکم دتو ہے۔
- ۳۔ وزیر اعلیٰ نے اج جموں مانہ ایس آر او 43 غے تحت تقرری نامہ تقسیم کرن غے نال ال تقرری بارے نظام مانہ شفافیت غی ضرورت پر زور دتو ہے۔
- ۴۔ مرکزی حکومت نے اج لوک سیہا مانہ جانکاری دتی ہے جے جموں کشمیر مانہ 4 لکھ 29 ہزار نوجوانان ناں سکل انڈیا نامی مشن غے تحت تربیت دتی گئی ہے۔

LG DIVYANGJANS

لیفٹیننٹ گورنر منوج سنہا نے تمام سرکاری اداراں سماجی تنظیمیں تے شراکت داراں پر زور دتو ہے جے وے جسمانی طور پر امدانو لوکان غا حقوق غی راکھی کرن تے اُن ناہ بہتر سہولیات مہیا کران غی خاطر سماج مانہ ان غی بروہر شراکت داری ناہ یقینی بناویں اُن نے یوہ وی کہیو جے جسمانی طور امدانو لوکان غے اندر ہنر ناں نکھار غے پاندھے لیان غے نال ان ناں تعلیم آلیے پاسے لیان مانہ سماج غو ہر اک شخص آپنو کردار ادا کرے۔ اس سلسلہ مانہ مزید بولتا واں جناب سنہا نے اس طرح کہیو۔

PERSONS WITH DISABILITIES

معذور افراد غا عالمی تہاڑا غا موقع پر محکمہ سماجی بہبود نے ایک بڑو بیداری تے فلاحی پروگرام منعقد کیو۔ اس موقع پر ڈپٹی کمشنر ریاسی ندھی ملک ے معذور افراد ناہ ربیا صحت سکیم غے تحت وہ آسانی سگ علاج تے ہنگامی طبی سہولت حاصل کرسکیں اس موقع پر ڈی سی ملک نے کہیو کہ انتظامیہ معذور افراد واسطے ایک بہتر تے مدد گار ماحول بنان واسطے پُر عزم ہے آکاشوانی غا خبراں آلا شعوبہ سنگ گل کرتا واں ضلع سماجی بہبود افسر سچن شرما نے اس طرح کہیو۔

CABINET MEET

جموں کشمیر غی کابینہ میٹنگ اج جموں مانہ وزیر اعلیٰ عمر عبداللہ غی سربراہی مانہ منعقد ہوئی جس مانہ متا سارا تعمیراتی تے عوام غی پلائی بہتری بارے معاملہ ور گل بات کی گئی ہے میٹنگ غے دوران عوامی کماں کاجاں بارے محکمہ غا محکمہ جاتی معاملہ ور غے نال نال جانوراں غی حفاظت بارے بورڈ قائم کرن غی ضرورت پر زور دتو گیو ہے اس سلسلہ مانہ آکاشوانی جموں گا مہارا نمائندہ نے جانکاری دیتا واں دسیو ہے جے کابینہ میٹنگ غے دوران اوپن زمرہ غا امیدواراں غی خاطر تخصاں غے نال نال سردی غا موسم مانہ بجلی سپلائی ناہ یقینی بنان ور تفصیلی گل بات کی گئی زریعاں نے دسیو ہے جے میٹنگ غے دوران وزیر اعلیٰ نے چیف سیکرٹری ناہ ہدایت کی ہے جے تہاڑی دار ملازماں غو معاملہ حل کر غی خاطر تعاواں توں تعاواں ایک رپوٹ تیار کی جے بعد مانہ کابینہ میٹنگ غا حوالہ سنگ گل کرتا واں وزیر اعلیٰ نے اس طرح کہیو۔

CM SRO

وزیر اعلیٰ عمر عبداللہ غو کہنوبے جے اُن غی حکومت ایس آر او43 تے بازآبادکاری بارے سکیم2022 غے تحت تقرری غے متعلق بنایا معاملان ناں حل کرن غی وعدہ بند ہے اس موقع ور بولتاواں اُن نے یقین دوايو ہے جے اس پورا طریقہ ناں شفاف بنایو جے غو اج کنونشن مرکز جموں مانہ منعقدہ اک پروگرام غے دوران وزیر اعلیٰ نے ایس آر او43 غے تحت اُمیدواران نا تقرری نامہ تقسیم کرن غے نال نال سکولی تعلیم محکمہ مانہ کم کرہیا سی پی ورکراں نانہ مستقل تقرری نامہ وی تقسیم کیا گیا اس موقع ور بولتاواں عمر عبداللہ نے مزید اس طرح کہیو۔

ACCIDENT

راجوری شاہراہ غا چنگس علاقہ مانہ اج سویرے ایک افسوس ناک سڑک حادثو پیش آیو جد ایک گڈی پھسل غے سڑک تیں بُن جا پئی حادثہ غی وجہ تیں 2 افراد موقع ور ہی دم توڑ بیٹھا تے 3 دیگر زخمی ہواہیں۔ زخمیاں نانہ فوری طور ور نزدیکی اسپتال منتقل کیو گیو جت اُن غو علاج جاری ہے حکام نے دسیو کہ حادثہ غی وجوہات جانن واسطے مزید کاروائی کی جارہی ہے۔

JK SKILL INDIA

مرکز غو کہنوبے جے جموں کشمیر مانہ پردھان منتری کوشل وکاس نامی سکیم غے تحت کوئے4 لکھ29 ہزار954 نوجوانان ناں تربیت دتی گئی ہے جد کہ متی ساری دوجی پلائی بہتری آلی مرکزی سکیمان ناں وی جموں کشمیر مانہ متارف کرایو گیو ہے۔ اس سلسلہ مانہ آکاشوانی جموں غا نمائندہ نے دسیو ہے جے لوک سبھا مانہ اج اک تحریری سوال غا جواب مانہ بئر ترقیات محکمہ غی وزارت نے دسیو ہے این اے پی ایس غے تحت4 ہزار454 جے ایس ایس غے تحت12 ہزار996 جد کہ سی ٹی ایس غے تحت57 ہزار630 اُمیدواران غو اندراج اج کیو گیو ہے۔

KISHTWAR LABOUR CODES

اسٹنٹ لیبر کمشنر کشتواڑ متا سودرشن نے کہی وکہ مزدور ملک غی ترقی غی ریڑھ غی بڑی ہے اس واسطے انہاں نانہ بہتر سہولت تے تعاون دتو جے غو ایک خصوصی انٹرویو مانہ انہاں نے دسی وکہ پُرانا تمام لیبر قوانین نانہ ملا غے ہُن 4 نوا لیبر کوڈز بنایا گیا ہیں ان نقا کوڈز غو مقصد مزدوران غا کم غا حالات نانہ زیادہ سہولت دینی ہے انہاں نے کہیو کہ ان قوانین تیں مزدور طبقاں غی حالت بہتر وے غی انہاں نے مزید اس طرح کہیو۔

DCO RAMBAN

رام بن مانہ منشیات غے خلاف سخت مہم چلائی جارہی ہے انتظامیہ نے تمام کوریئر سروسز نانہ ہدایت دتی ہے کہ کسی وی دوائی غو پارسل پھیجن یا دین تیں پہلاں ادویات نگران دفتر نانہ لازمی اطلاع دیں تانجے منشیات غی سمگلنگ روکی جاسکے انتظامیہ نے کہیو کہ منشیات غا خاتمہ مانہ سب غی ذمے داری ہے تے کوریئر ایجنسیاں نانہ اس مانہ مکمل تعاون کرنو چاہیے اس بارے مزید معلومات دیتا واں اسٹینٹ ڈرگ کنٹرولر رامبن سنجیو کمار گپتا نے اس طرح کہیو۔

PROG ANN

آکاشوانی جموں غو علاقائی خبراں آلو شعبو جنگلی حیاتیات گا بچاو بارے تہاڑا گا موقع ور ایک خصوصی پروگرام نشر کرے غو 25 منٹ غو یوہ پروگرام آئندہ 4 دسمبر نانہہ دوپہر 12 بجے نشر کیو جے غو اس موقع ور مہارا مہمان خصوصی جموں کشمیر گا پرنسپل چیف کنزرویٹرفارسٹ تے جنگلی حیاتیات بارے چیف وارڈن سرویشور رائے اپنا ماہرانہ خیالات تفصیلاً پیش کریں گا۔ اس پروگرام گو موضوع تعلیم تے جانکاری غے ذریعے جنگلی حیات غو بچاو پروگرام گی میزبانی شروٹی کھجوریہ کریں گی۔ مہارا سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں غا۔

NCC CADETS BOP VISIT

نوجوان این سی سی کیڈٹس جن مانہہ زیادہ تر سرینگر تیں تہا تاریخی سوچیت گڑھ 245 سرحد غا بی او پی غا تعلیمی دورہ ور گیا یوہ دورو 9 جموں کشمیر گڑیاں غی بٹالین غا ٹریننگ کیمپ غے تحت کیو گیو بٹالین غا کمانڈنگ آفیسر کرنل شرد شرما غی قیادت مانہہ کیڈٹس نے یوہ سفر کیوسرینگر غا بہت سارا کیڈٹس جنہاں نے سرحد کدے پہلاں نی تکی اُن واسطے یوہ دورو بہت معنی رکھے۔

DC KISHTWAR HERITAGE

ڈپٹی کمشنر کشتواڑ پنکج کمار شرما نے ایک میٹنگ کی جس مانہہ جموں کشمیر غا تاریخی تے مزہبی مقامات غا تحفظ تے مرمت غا مختلف منصوباں ور تفصیلی گل بات کی گئی میٹنگ مانہہ ناگسینی سائی درمن ورثہ غو مقام بٹن دیمجی بدھ مت مقام بونجواہ مانہہ دیوی گول جوالا ماتا مندر غی بحالی تے پاڈر غا مچیل مانہہ دھرم شالا غی تعمیر جیسا اہم منصوباں ور غور کیو گیو۔ ان منصوباں غو بُنیادی مقصد کشتواڑ غا تاریخی تے مزہبی ورثہ نانہہ محفوظ کرنو تے اس نانہہ اُن آلی نسلان واسطے بہتر حالات مانہہ برقرار رکھنو ہے۔
